

und schaden erlegen unnd betzalen sollen und wöllen. Solte es sich aber zutragen, das mher wolgemelthe universitet soliches geldes halbenn inwendig eines ihares angefochten werden solte aber sonsten des geldes bedorffen unnd unns solichs antzeigen wurde, uff dem fhall gereden unnd geloben wir in chrafft dieses brieffes, das wir alsobaldt und
 5 ohne einige einrede unnd behelf ihnen soliche 1 c fl. erlegen unnd betzalen wöllen, und wo wir an dem seumig wurden, das doch nicht sein soll, so wollen wir neben den 1 c fl. alles das so die universitet hirauff hatt wenden müssen in dem wir ihren blossen worttenn glauben geben wölltenn und derwegen betrechtighen ane wegerung gelden unnd darvor hafften. Des alles zu urkunth haben wir unser stattsecret zu ende dieses brieffes
 10 wissentlichen und wolbedechtiglichen drucken lassen. Gescheenn und gebenn montags nach Osswalde a. des XLVIII.

481.

Benedix Lochmann, Dani Melckh, Kilian Wittich, Balthasar Müllner, Hans Petz, Benedix König, Hans Stengel, Gregor Scheffer, Peter Lauderisch und Andreas Kupfer, sämmtlich von Holzhausen,
 15 *bekennen, daß ihnen die Universität zu Leipzig 80 Gulden auf vier Jahre vorgestreckt und geliehen habe, welche Summe jährlich mit 4 Gulden zu verzinsen sei.* **Holzhausen, 1548 Nov. 23.**

Hlschr.: Copiale magnum T. I, fol. 138^b—139.

Wir nachbenanten Benedix Lochman, Dani Melckh, Kilian Wittich, Baltzer Mullner, Hans Petz, Benedix Konig, Hans Stengel, Gregor Scheffer, Petter Lauderisch,
 20 Endress Kupper, alle von Holczhausenn, thun kundt und bekennen hiemit offenlich, das uns die lobliche universitet zu Leiptzig, unsere erbhern, zu ableinung der schulden, damit wir nun ein lange zeitt gegen dem pflügen burgschafft halbenn vor Clemen Fleischer und seinem sun Thomassen verhafft unnd nun mit wurcklicher hulff erlangt gewest sein, auf unser vielfeltig gehorsam ansuchen unnd bitten achtzig guldein muncz gunstigh vor
 25 gestrackt unnd geliehen habenn, deren wir sie hiemitt krafft dies brieffes quit, ledig und loss sagen, gereden unnd geloben derowegen semptlich und sonderlich vor uns, unser erben und erbnemen bei unsern waren wortten, treuen und ehren, das wir gedachter universitet, unsern erbhern, soliche vorgestrackte achtzig guldein ierlich so lang wir die haben mit vier guldein vorzinsenn unnd inwendig vier iharen die nechstenn danckh
 30 nemlich widerumb zu iren handen stellenn und sonder allen iren kosten und schadenn ablegenn unnd bezalenn wöllenn. Unnd ob wir, das gott gnediglich verhalten wölle, hieran seumig wurden, so verwilligenn wir hiemit semptlich und sonderlich vor unss, unser erbenn unnd erbnemen, das sich gemelte unsere erbhern zu allen unsern erb unnd guthern semptlich ader derselbigenn eintheils, wie es inen gefellig und gelegen sein
 35 will, halten sollen unnd mügen als zu irem eigenn, damit ires gefallenns zu thun und zu lassenn, zu verkauffen oder zu verendern, ane alle unser einrede und wegerung, als weren die mitt dinglichem rechtenn erstanden und erleget, alles treulich und sonder geferde. Des zu urkundt unnd warenn bekentnus haben wir diese schriefft vor richter